

**ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**Ո Ր Ո Շ ՈՒ Մ**

« \_\_\_\_ » \_\_\_\_\_ 2018 թ.

N \_\_\_\_-Ն

ք.Ստեփանակերտ

**ԱՆԱՍՆԱԲՈՒԾՈՒԹՅԱՆԸ ՆԵՐԿԱՅԱՑՎՈՂ ՊԱՐՏԱԴԻՐ ՊԱՀԱՆՋՆԵՐԸ  
ՀԱՍՏԱՏԵԼՈՒ ՄԱՍԻՆ**

Հիմք ընդունելով «Իրավական ակտերի մասին» Լեոնային Ղարաբաղի Հանրապետության օրենքի 13-րդ հոդվածը և Արցախի Հանրապետության կառավարության 2018 թվականի փետրվարի 7-ի N 76-Ա որոշման կատարումն ապահովելու նպատակով՝ Արցախի Հանրապետության կառավարությունը **ո Ր Ո Շ ՈՒ Մ Է**.

1. Հաստատել անասնաբուծությանը ներկայացվող պարտադիր պահանջները՝ համաձայն հավելվածի:
2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**«Հաստատում եմ»**

**ԱՐՑԱԽԻ ՀԱՆՐԱՊԵՏՈՒԹՅԱՆ  
ՆԱԽԱԳԱՀ**

**Բ. ՍԱՀԱԿՅԱՆ**

**ՀԱՄԱՁԱՅՆԵՑՄԱՆ ԹԵՐԹ**

**ՈՐՈՇՄԱՆ ՆԱԽԱԳԻԾԸ ՀԱՄԱՁԱՅՆԵՑՎԱԾ Է՝**

Ը/Ը	ՇԱՀԱԳՐԳԻՌ ՊԵՏԱԿԱՆ ԿԱՌԱՎԱՐՄԱՆ ՄԱՐՄԻՆԸ	ՂԵԿԱՎԱՐԻ ԱԶԳԱՆՈՒՆԸ	ՍՏՈՐԱԳՐՈՒ ԹՅՈՒՆԸ	ԹՎԱԳՐՈՒ ՄԸ
1.	ԱՀ ՊԵՏԱԿԱՆ ՆԱԽԱՐԱՐ	Ա. ՀԱՐՈՒԹՅՈՒՆՅԱՆ		
2.	ԱՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐ	Ա. ԴԱՆԻԵԼՅԱՆ		
3.	ԱՀ ՔԱՂԱՔԱՇԻՆՈՒԹՅԱՆ ՆԱԽԱՐԱՐ	Կ. ՇԱՀՐԱՄԱՆՅԱՆ		
4.	ԱՀ ՖԻՆԱՆՍՆԵՐԻ ՆԱԽԱՐԱՐ	Գ. ՄԱՐՏԻՐՈՍՅԱՆ		
5.	ԱՀ ՆԱԽԱԳԱՀԻ ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ ԿԱՌԱՎԱՐՉՈՒԹՅԱՆ ՊԵՏ- ԱՇԽԱՏԱԿԱԶՄԻ ՂԵԿԱՎԱՐԻ ԱՌԱՋԻՆ ՏԵՂԱԿԱԼ	Ա. ԼԱԶԱՐՅԱՆ		

Առաջարկությունները և առարկությունները՝ \_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

**Նախագիծը ներկայացնողը՝**  
**ԱՀ գյուղատնտեսության նախարար**

**Ժ. Միրզոյան**

« \_\_\_\_\_ » \_\_\_\_\_ 2018 թ.

## **ԱՆԱՍՆԱՔՐՈՒԹՅԱՆԸ ՆԵՐԿԱՅԱՑՎՈՂ ՊԱՐՏԱԴԻՐ ՊԱՀԱՆՋՆԵՐ**

### **I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն պահանջներով կարգավորվում են Արցախի Հանրապետության տարածքում գյուղատնտեսական կենդանիներ տիրապետողների (պահողների) կողմից անասնաբուծության իրականացման հետ կապված հարաբերությունները, անասնաբուծության իրականացման միջոցները և եղանակները:

2. Սույն պահանջները չեն տարածվում դեկորատիվ և ուսումնական նպատակներով պահվող փոքր կենդանիների, թռչունների, ինչպես նաև շների և կատուների վրա:

3. Գյուղատնտեսական կենդանի պահելու ժամանակը ներառում է կենդանու պահպանումը մինչև դրա օտարումը, մորթը, խոտանումը կամ բնական անկումը:

4. Գյուղատնտեսական կենդանիներ տիրապետողներն իրենց գործունեության ընթացքում ղեկավարվում են սույն պահանջներով և այլ իրավական ակտերով:

5. Սույն պահանջներում օգտագործվող հիմնական հասկացություններն են՝

1) **անասնաբուծությանը ներկայացվող պարտադիր պահանջներ**՝ գյուղատնտեսական գործունեության բնագավառում գյուղատնտեսական կենդանիներ տիրապետողների կողմից պարտադիր կատարման միջոցառումների համալիր, որը ներառում է սանիտարահիգիենիկ, անասնաբուժասանիտարական կանոնների և նորմերի պահպանումը, ինչպես նաև կենդանիների համար այնպիսի պայմանների ապահովումը, որոնք չեն կարող բացասաբար անդրադառնալ հարակից տարածքների, շրջակա միջավայրի և այլ անձանց իրավունքների վրա:

2) **անասնաբուծություն**՝ գյուղատնտեսության մեջ տեսակարար կշիռ ունեցող ճյուղ, որը զբաղվում է գյուղատնտեսական կենդանիների բուծմամբ:

3) **անասնաշենք**՝ անասուններ պահելու համար նախատեսված գետնափոր, կիսագետնափոր, վերգետնյա, ժայռափոր, քարե և (կամ) փայտե կառույց:

4) **արգելված վայր**՝ համայնքի ավագանու որոշմամբ հաստատված վայրեր, որտեղ արգելվում է գյուղատնտեսական կենդանիների գտնվելը:

5) **գյուղատնտեսական կենդանիներ**՝ խոշոր և մանր եղջերավոր կենդանիներ (տավար, գոմեշ, ոչխար, այծ), խոզ, ձի, ջորի, ավանակ, ճագար, հավ, հնդկահավ, բադ, սագ և այլն:

6) **գյուղատնտեսական կենդանիներ տիրապետող**՝ (այսուհետ՝ տիրապետող)՝ այն ֆիզիկական կամ իրավաբանական անձը կամ անհատ ձեռնարկատերը, որին պատկանում և (կամ) որի հսկողության և (կամ) խնամքի ներքո գտնվում է գյուղատնտեսական կենդանին:

7) **գյուղատնտեսական կենդանիների պահվածք**՝ մարդու հսկողության ներքո կենդանիների խնամքի միջոցառումների համալիր, որը ներառում է տեղաբաշխումը, կերակրումը, զրոհիզիենիկ պայմանների ստեղծումը, օրվա ռեժիմի պահպանումը:

8) **կենդանիների պահվածքի համակարգ**՝ արոտային՝ կենդանիներն ամբողջ տարվա ընթացքում կերակրվում են արոտավայրերում, մսուրաարոտային՝ կենդանիները ձմռանը պահվում են անասնաշենքերում, ամռանը՝ արոտավայրերում, և մսուրային՝ կենդանիների փակ պահվածքով բուծում:

9) **հոտ**՝ միասին արոտավայր տեղափոխվող կամ արածեցվող մանր եղջերավոր կենդանիների խումբ:

10) **նախիր**՝ միասին արոտավայր տեղափոխվող կամ արածեցվող խոշոր եղջերավոր կենդանիների խումբ:

11) **փակ պահվածք**՝ գյուղատնտեսական կենդանիներն ամբողջ տարվա ընթացքում անասնաշենքում և կից մեկուսացված տարածքում պահելը՝ բացառելով կենդանու տեղափոխումն արոտավայր:

## **II. ԱՆԱՍՆԱՇԵՆՔԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐ**

6. Տառը և ավելի պայմանական գրուխ գյուղատնտեսական կենդանիների համար նախատեսված անասնաշենքերը պետք է կառուցված լինեն շինարարական նորմերին համապատասխան, հասարակական վայրերին (մանկապարտեզներին, դպրոցներին, հանրային սննդի օբյեկտներին, բուժական հաստատություններին և այլն) անմիջականորեն չհարող տարածքներում, պահվեն մաքուր և նորոգ վիճակում, ապահովված լինեն բնական և (կամ) արհեստական օդափոխության և լուսային համակարգերով, մշտական հոսող կամ պահեստավորված ջրով, կենդանիների կերակրման համար նախատեսված մսուրներով: Անասնաշենքերի պատուհանները պետք է լինեն ցանցապատված:

7. Անասնաշենքերում, ըստ անհրաժեշտության, սակայն ոչ պակաս քան վեց ամիսը մեկ անգամ, պետք է իրականացնել ախտահանման, միջատազերծման և կրծողների ոչնչացման (դեռատիզացման) աշխատանքներ:

## **III. ԳՅՈՒՂԱՏՆՏԵՍԱԿԱՆ ԿԵՆԴԱՆԻՆԵՐԻ ՊԱՀՄԱՆ ԱՌԱՆՁՆԱՀԱՏՎՈՒԹՅՈՒՆՆԵՐԸ**

8. Գյուղատնտեսական կենդանիների պահվածքի համար պարտադիր պայման է հանդիսանում սանիտարահիզիենիկ և անասնաբուժասանիտարական կանոնների ու նորմերի պահպանումը, բացառելով սանիտարական և հոգեբանական բացասական երևույթների ազդեցությունը մարդկանց վրա:

9. Գյուղատնտեսական կենդանիները պետք է պահվեն իրենց պահվածքի համար առանձնահատուկ պայմաններին և պահանջներին համապատասխան:

10. Խոզերի բուծումը պարտադիր կերպով պետք է կազմակերպվի փակ պահվածքով, բացառվելով շփումը վայրի և ընտանի կենդանիների ու թռչունների հետ: Խոզերի ինֆեկցիոն հիվանդություններից խուսափելու նպատակով արգելվում է խոզաբույծից և անասնաբույծից բացի այլ անձանց մուտքն անասնաշենք: Խոզերի բուծման համար

նախատեսված անասնաշենքերում պարտադիր կերպով պետք է պահպանվի ջերմային ռեժիմը՝ 16-ից մինչև 23 աստիճան Ցելսիուս ջերմաստիճանով:

11. Տիրապետողն իրավունք ունի՝

1) տեղական ինքնակառավարման մարմիններից ճշտելու գյուղատնտեսական կենդանիների արածեցման համար նախատեսված արոտավայրերի սահմանները և արոտավայրեր տեղափոխելու ուղիները.

2) գյուղատնտեսական կենդանիների պահվածքի համակարգում ընտրելու գյուղատնտեսական կենդանիների բուծման առանձնահատկություններին հատուկ և իր համար նպատակահարմար անասնաբուժության ձևերը.

3) ինքնուրույն կամ այլ տիրապետողների հետ միասին ստեղծել գյուղատնտեսական կենդանիների միավորված նախիրներ և հոտեր:

4) իրականացնել այլ անձանց իրավունքները և պարտականությունները չխախտող այլ գործողություններ:

12. Տիրապետողը պարտավոր է՝

1) գյուղատնտեսական կենդանուն պահել դրա կենսաբանական ու անհատական առանձնահատկություններին համապատասխան և ապահովել կենդանու կենսաապահովման համար բավարար պայմաններ.

2) հսկել գյուղատնտեսական կենդանուն՝ բակերի և հարակից տարածքների աղտոտումը բացառելու նպատակով, իսկ աղտոտման դեպքում անհապաղ մաքրել այն.

3) անձամբ կամ իր կողմից լիազորած անձանց հսկողությամբ ապահովել գյուղատնտեսական կենդանու տեղափոխումն արոտավայր կամ գյուղատնտեսական կենդանին պահել անասնաշենքերում և կից մեկուսացված տարածքներում՝ բացառելով կենդանու տեղափոխումն արգելված վայր.

4) տեղական ինքնակառավարման մարմիններից ճշտել գյուղատնտեսական կենդանիների գտնվելու համար արգելված վայրերը.

5) անասնաշենքի սպասարկման համար նախատեսված տարածքը մեկուսացնել ցանկապատով, պատով և այլ պաշտպանիչ շերտով.

6) քաղաքային համայնքներում գյուղատնտեսական կենդանիների նախրի կամ հոտի շարժը կազմակերպել կենտրոնական հատվածները շրջանցող ուղիներով՝ նախապես համաձայնեցնելով տեղական ինքնակառավարման մարմինների հետ, կամ հատուկ տրանսպորտային միջոցներով.

7) հիվանդությունների կանխարգելման նպատակով ապահովել կենդանիների պահվածքի և անասնաշենքերի և հարակից տարածքների մաքրության օպտիմալ պայմաններ.

13. Արգելվում է՝

1) գյուղատնտեսական կենդանի պահելը չհարմարեցված շինություններում, նկուղներում, շենքերում և բազմաբնակարան շենքերի բակերում.

2) գյուղատնտեսական կենդանու առանց հսկողության գտնվելը անասնաշենքից, իսկ անասնաշենքին կից մեկուսացված տարածքի առկայության դեպքում՝ այդ տարածքից դուրս վայրում.

3) տարբեր տեսակի կենդանիների համատեղ գտնվելն առանձնացված տարածքներ չունեցող մեկ անասնաշենքում.

4) կենդանիների խոշտանգումը, ծեծը և դրանց նկատմամբ այլ դաժան վերաբերմունքը.

5) անասնաբուժական թափոններով շրջակա միջավայրի աղտոտումը:

14. Գյուղատնտեսական կենդանուց գոյացած թափոնների վնասազերծումն անասնաշենքում և կից մեկուսացված տարածքում իրականացվում է դրա համար հատուկ նախատեսված վայրում՝ բացառելով գոմաղբաջրերի տարածումը:

15. Կուտակված գոմաղբը կարող է օգտագործվել հողի պարարտացման համար: Կուտակված գոմաղբն ամբողջությամբ օգտագործելու անհնարինության դեպքում տիրապետողը պարտավոր է ապահովել դրա տեղափոխումը տեղական ինքնակառավարման մարմինների կողմից հատկացված տարածք:

Հողի պարարտացման նպատակով գոմաղբի օգտագործումը պետք է իրականացվի սահմանված նորմերին համապատասխան, բացառելով շրջակա միջավայրի աղտոտումը, մարդկանց ու կենդանիների առողջության վրա բացասական հետևանքների ազդեցությունը:

16. Տիրապետողը պարտավոր է հիվանդությունների կանխման նպատակով ապահովել համապատասխան անասնաբուժական միջոցառումների իրականացումը:

#### **IV. ԳՅՈՒԴԱՏՆՏԵՍԱԿԱՆ ԿԵՆԴԱՆԻՆԵՐԻ ԱՐՈՏԱՎԱՅՐ ՏԵՂԱՓՈԽՄԱՆ ԵՐԿԱՅԱՅՎՈՂ ՊԱՀԱՆՋՆԵՐ**

17. Արոտային շրջանում գյուղատնտեսական կենդանու, բացառությամբ խոզերի, արածեցումը պետք է լինի կազմակերպված տիրապետողի և (կամ) գյուղատնտեսական կենդանուն արոտավայր տեղափոխելու նպատակով նախրի կամ հոտի համար պատասխանատու նշանակված անձի կողմից: Անհնարինության դեպքում տիրապետողը պարտավոր է ապահովել գյուղատնտեսական կենդանու մտուրային պահվածքը: Մեկ անձի (հոտի կառավարչի) հսկողությամբ արոտավայր տեղափոխվող կամ արածեցվող նախիրը պետք է կազմված լինի առավելագույնը 70 գլուխ խոշոր եղջերավոր, իսկ հոտը՝ առավելագույնը 200 գլուխ մանր եղջերավոր կենդանիներից:

18. Գյուղատնտեսական կենդանիների նախիրների և հոտերի կազմակերպված արածեցումն իրականացվում է արոտավայրերում:

19. Տեղական ինքնակառավարման մարմինների կողմից սահմանվում են համայնքի վարչական սահմաններում գտնվող գյուղատնտեսական կենդանիների արածեցման համար նախատեսված արոտավայրերի սահմանները, արոտավայրեր տանող ուղիները և արոտավայրերի օգտագործման ժամանակացույցը:

20. Գյուղատնտեսական կենդանու ազատ արածեցումը թույլատրվում է միայն տիրապետողի կամ գյուղատնտեսական կենդանու ազատ արածեցման համար համաձայնություն տված անձի ցանկապատած հողատարածքում:

21. Գյուղատնտեսական կենդանիների տեղափոխումն արոտավայր իրականացվում է տիրապետողի կամ դրա համար պատասխանատու նշանակված անձի հսկողությամբ՝ տեղական ինքնակառավարման մարմնի կողմից սահմանված ուղիներով և արոտավայր տեղափոխելու հատուկ կանոնների պահպանմամբ:

22. Արգելվում է՝

1) գյուղատնտեսական կենդանիների առանց հսկողության բաց թողնելը կամ առանց հսկողության արածեցումը, բացառությամբ սույն պահանջների 20-րդ կետով նախատեսված դեպքի.

2) արգելված վայրում գյուղատնտեսական կենդանիների գտնվելը.

3) ընդհանուր օգտագործման պետական ավտոմոբիլային ճանապարհների երթևեկելի մասով (բացառությամբ տեղական ինքնակառավարման մարմինների կողմից սահմանված արոտավայր տանող անցուղիների) և բաժանարար գոտիով անասուններ քշելը, ճանապարհի պաշտպանական գոտում առանց մշտական հսկողության անասուն արածեցնելը.

4) պետական անտառային ֆոնդի ոչ անտառապատ հողերում ինքնակամ անասուններ արածեցնելը:

#### **V. ԱՆԿԱԾ ԳՅՈՒՂԱՏՆՏԵՍԱԿԱՆ ԿԵՆԴԱՆՈՒ ՎՆԱՍԱԶԵՐԾՄԱՆ ԿԱՆՈՆՆԵՐ**

23. Գյուղատնտեսական կենդանու դիակի թաղումը կամ դիակիզումը հանդիսանում է տիրապետողի պարտականությունը, որը պետք է կազմակերպվի անասնաբույժի ներկայությամբ և ցուցումներով:

#### **VI. ՊԱՏԱՍԽԱՆԱՏՎՈՒԹՅՈՒՆԸ ՍՈՒՅՆ ՊԱՀԱՆՋՆԵՐԻ ԽԱԽՏՄԱՆ ՀԱՄԱՐ**

24. Սույն պահանջների խախտումը հանգեցնում է պատասխանատվության՝ օրենքով սահմանված կարգով: Պատասխանատվության կիրառումը չի ազատում խախտումների հետևանքների վերացման պարտականությունից:

25. Գյուղատնտեսական կենդանու կողմից պատճառված վնասների հատուցման հարցերը կարգավորվում են Լեռնային Ղարաբաղի Հանրապետության քաղաքացիական օրենսգրքով և քաղաքացիական իրավունքի նորմեր պարունակող այլ իրավական ակտերով:

**ԱՐՑԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ ԱՇԽԱՏԱԿԱԶՄԻ**

**ԿԱՌԱՎԱՐՈՒԹՅԱՆ ԳՈՐԾԵՐԻ ԿԱՌԱՎԱՐՉՈՒԹՅԱՆ**

**ՊԵՏ-ԱՇԽԱՏԱԿԱԶՄԻ ՂԵԿԱՎԱՐԻ ԱՌԱՋԻՆ ՏԵՂԱԿԱԼ**

**Ա. ԼԱԶԱՐՅԱՆ**

## **ՀԻՄՆԱՎՈՐՈՒՄ**

**«ԱՆԱՍՆԱԲՈՒԾՈՒԹՅԱՆԸ ՆԵՐԿԱՅԱՅՎՈՂ ՊԱՐՏԱԴԻՐ ՊԱՀԱՆՋՆԵՐԸ ՀԱՍՏԱՏԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ**

### **Անհրաժեշտությունը**

«Անասնաբուծությանը ներկայացվող պարտադիր պահանջները հաստատելու մասին» Արցախի Հանրապետության կառավարության որոշման նախագծի ներկայացումը պայմանավորված է Արցախի Հանրապետությունում անասնաբուծության կանոնակարգման, անասնաբուծությամբ զբաղվող ֆիզիկական և իրավաբանական անձանց, անհատ ձեռնարկատերերի կողմից անասնաբուծական գործի իրականացումը ճիշտ կազմակերպելու, բուսաբուծության ոլորտի զարգացմանը խոչընդոտող հանգամանքները բացառելու, ինչպես նաև Արցախի Հանրապետության կառավարության 2018 թվականի փետրվարի 7-ի «Արցախի Հանրապետությունում գյուղատնտեսության զարգացման հայեցակարգին հավանություն տալու մասին» N76-Ա որոշման դրույթների կատարումն ապահովելու անհրաժեշտությամբ:

### **Ընթացիկ իրավիճակը և խնդիրները**

Ներկայումս Արցախի Հանրապետությունում գյուղատնտեսական կենդանիների բուծումը կազմակերպվում է հիմնականում բաց՝ առանց հսկողության պահվածով, որի պատճառով հաճախակի են դառնում գյուղատնտեսական կենդանիների արգելված վայրերում գտնվելու և այդ կենդանիների կողմից ստացված բերքի արածավերման դեպքերը: Նախագծի խնդիրն է հաստատել անասնաբուծությանը ներկայացվող պարտադիր պահանջները, կանոնակարգված անասնաբուծության վարման ձևերը և պայմանները, դրանց իրականացման համար նախատեսվող միջոցառումները:

### **Նպատակը և բնույթը**

Նախագծի նպատակն է հաստատել Արցախի Հանրապետությունում անասնաբուծությանը ներկայացվող պարտադիր պահանջները, անասնաբուծության վարման կանոնները և գյուղատնտեսական կենդանիների պահման առանձնահատկությունները:

### **Ակնկալվող արդյունքը**

Նախագծի ընդունմամբ ակնկալվում են հետևյալ հիմնական արդյունքները՝ Արցախի Հանրապետությունում կանոնակարգված անասնաբուծության վարում, գյուղատնտեսական կենդանիների պահման առանձնահատկություններին համապատասխան բուծում, գյուղատնտեսական կենդանիների բուծմամբ զբաղվող ֆիզիկական և իրավաբանական անձանց, տնտեսակավարող սուբյեկտների իրավունքների և պարտականությունների սահմանում:

### **Նախագծի մշակման գործընթացում ներգրավված անձինք**



Նախագիծը մշակվել է Արցախի Հանրապետության գյուղատնտեսության նախարարության աշխատակազմի անասնաբուծության և անասնաբուժության վարչության և իրավաբանական բաժնի կողմից:

**Այլ տեղեկություններ**

«Անասնաբուծությանը ներկայացվող պարտադիր պահանջները հաստատելու մասին» Արցախի Հանրապետության կառավարության որոշման նախագիծը սահմանված կարգով դրվել է հանրային քննարկման Արցախի Հանրապետության գյուղատնտեսության նախարարության պաշտոնական կայքէջում: Սահմանված ժամկետներում առաջարկություններ կամ դիտողություններ չեն ստացվել:

**ԱԿ ԳՅՈՒՂԱՏՆՏԵՍՈՒԹՅԱՆ  
ՆԱԽԱՐԱՐ**

**Ժ.ՄԻՐԶՈՅԱՆ**

**«ԱՆԱՍՆԱԲՈՒԾՈՒԹՅԱՆԸ ՆԵՐԿԱՅԱՑՎՈՂ ՊԱՐՏԱԴԻՐ ՊԱՀԱՆՋՆԵՐԸ ՀԱՍՏԱՏԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՐՑԱԽԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ԲՅՈՒՋԵՆԵՐՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ ԱՎԵԼԱՑՈՒՄՆԵՐԻ ԿԱՄ ՆԿԱԶԵՑՈՒՄՆԵՐԻ ՄԱՍԻՆ**

«Անասնաբուծությանը ներկայացվող պարտադիր պահանջները հաստատելու մասին» Արցախի Հանրապետության կառավարության որոշման նախագծի ընդունման կապակցությամբ Արցախի Հանրապետության պետական կամ տեղական ինքնակառավարման մարմինների բյուջեներում ծախսերի և եկամուտների ավելացումներ կամ նվազեցումներ չեն նախատեսվում:

**ՏԵՂԵԿԱՆՔ**

**«ԱՆԱՍՆԱԲՈՒԾՈՒԹՅԱՆԸ ՆԵՐԿԱՅԱՑՎՈՂ ՊԱՐՏԱԴԻՐ ՊԱՀԱՆՋՆԵՐԸ ՀԱՍՏԱՏԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՁՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

«Անասնաբուծությանը ներկայացվող պարտադիր պահանջները հաստատելու մասին» Արցախի Հանրապետության կառավարության որոշման նախագծի առնչությամբ այլ իրավական ակտերում փոփոխություններ կամ լրացումներ կատարելու անհրաժեշտություն չի առաջանում:

**ԱՀ ԳՅՈՒՂԱՏՆՏԵՍՈՒԹՅԱՆ  
ՆԱԽԱՐԱՐ**

**Ժ.ՄԻՐԶՈՅԱՆ**

**ԻՐԱՎԱԿԱՆ-ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ**

**«ԱՆԱՍՆԱԲՈՒԾՈՒԹՅԱՆԸ ՆԵՐԿԱՅԱՑՎՈՂ ՊԱՐՏԱԴԻՐ ՊԱՀԱՆՋՆԵՐԸ ՀԱՍՏԱՏԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ**

«Անասնաբուծությանը ներկայացվող պարտադիր պահանջները հաստատելու մասին»  
Արցախի Հանրապետության կառավարության որոշման նախագծի վերաբերյալ  
առաջարկություններ և դիտողություններ չկան:

**ԱՀ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ  
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԲԱԺՆԻ ՊԵՏ**

**Հ.ՀԱԿՈԲՅԱՆ**

**ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ  
ՈՐՈՇՈՒՄՆԵՐԻ ԱՌԱՔՄԱՆ ԹԵՐԹԻԿ**

**Որոշման նախագծի անվանումը՝**

«Անասնաբուծությանը ներկայացվող պարտադիր պահանջները հաստատելու մասին»

**Նախագիծը ներկայացնողը՝**

ԱՀ գյուղատնտեսության նախարարություն

**ԱՀ կառավարության որոշումն ուղարկել՝**

1. ԱՀ գյուղատնտեսության նախարարություն
2. ԱՀ արդարադատության նախարարություն
3. ԱՀ ֆինանսների նախարարություն
4. ԱՀ շրջանների վարչակազմեր

**Նախագիծը պատրաստողը՝**

Արցախի Հանրապետության գյուղատնտեսության նախարարության աշխատակազմի անասնաբուժության և անասնաբուժության վարչություն

\_\_\_\_\_ **Ն. Մուսայեյան**  
(ստորագրությունը)

«\_\_\_» \_\_\_\_\_ 2018 թ.